

## 关于植树节的诗

1.  
栽梅沿屋角，幽趣少人知。雪后月明夜，孤芳吐几枝。——金朋说《种梅吟》
- 2.君行四月草萋萋，柳花桃花半委泥。——纳兰性德《送荪友》
3.  
世味年来薄似纱，谁令骑马客京华。小楼一夜听春雨，深巷明朝卖杏花。矮纸斜行闲作草，晴窗细乳戏分茶。素衣莫起风尘叹，犹及清明可到家。——陆游《临安春雨初霁》
4.  
园中莫种树，种树四时愁。独睡南床月，今秋似去秋。——李贺《莫种树》
5.  
种树江头不记春，年来年去祇伤神。今朝忽向江头见，稍有清阴芘路人。——范梈《种树》
- 6.榆柳荫后檐，桃李罗堂前。——陶渊明《归园田居》
- 7.草色青青柳色黄，桃花历乱李花香。——贾至《春思二首·其一》
8.  
移家虽带郭，野径入桑麻。近种篱边菊，秋来未著花。扣门无犬吠，欲去问西家。报道山中去，归时每日斜。——僧皎然《寻陆鸿渐不遇》
- 9.

渭城朝雨浥轻尘，客舍青青柳色新。劝君更尽一杯酒，西出阳关无故人。  
。——王维《渭城曲》

10.

手种黄柑二百株，春来新叶遍城隅。方同楚客怜皇树，不学荆州利木奴。  
。几岁开花闻喷雪，何人摘实见垂珠？若教坐待成林日，滋味还堪养老  
夫。——柳宗元《柳州城西北隅种柑树》

11.

读书茅屋白云岑，日月如流老欲侵。岑傍松杉栽万树，於兹十载已成林  
。——赵方《东岑》

12.

闲居少邻并，草径入荒园。鸟宿池边树，僧敲月下门。过桥分野色，移  
石动云根。暂去还来此，幽期不负言。——贾岛《题李凝幽居》

13.

箫声咽，秦娥梦断秦楼月。秦楼月，年年柳色，灞陵伤别。乐游原上清  
秋节，咸阳古道音尘绝。音尘绝，西风残照，汉家陵阙。——李白《忆  
秦娥》

14.

手种桃李非无主，野老墙低还似家。恰似春风相欺得，夜来吹折数枝花  
。——杜甫《绝句漫兴》

15.

移得绿杨栽后院。学舞宫腰，二月青犹短。不比灞陵多送远，残丝乱絮  
东西岸。几叶小眉寒不展。莫唱阳关，真个肠先断。分付与春休细看，  
条条尽是离人怨。——张先《蝶恋花·移得绿杨栽后院》

16.

曾栽杨柳江南岸，一别江南两度春。遥忆青青江岸上，不知攀折是何人  
？——白居易《忆江柳》

17.

谁种萧萧数百竿？伴吟偏称作闲官。不随天艳争春色，独守孤贞待岁寒。  
声拂琴床生雅趣，影侵棋局助清欢。明年纵使量移去，犹得今冬雪里看！——王禹偁《官舍竹》

18.晴川历历汉阳树，芳草萋萋鹦鹉洲。——崔颢《黄鹤楼》

19.

种树取柔条，人言老难待。所贵适目前，胡为计身外。——顾璘《种树》

20.

种玉栽琼树树匀，主人心地况长春。便教不假云间路，亦有芳菲日日新。  
——张镃《张镃》

本文链接：<https://duanjuziku.com/duanjuzi/cr9rkv00xg.html>